

畿輔通志卷六十一

略十六 輿地十六 山川五 永平

永平府

山

盧龍縣

平山在城中與南臺山平因名

府志

南臺山在縣南三里形如印亦名印山

大清一統志

上有開元寺

寺中有井下通灤河今湮

府新志

國朝王金英登南臺山詩東風吹我此遨遊一度登臺一

度謳領略煙光朝復暮徘徊巖壑去仍留翠峯疊起趨龍塞

辛

二水交馳到虎頭故國山川春夢裏攝衣如上閣江樓

大成詩

著來雙不借拾磴古招提地接灤江近山迴孤竹

同

鳳頭山在南臺山北距城二里山東有試劍石

青山在縣東南四里

府舊志

塔盤山在縣南六里

煙墩山在縣西南十里

俱同上

銅鑛山在縣東北十里

縣志

謹案雍正志一統志銅鼓山在城東二里府志銅鑛山在

城東南四十里昔於此掘得銅鼓故又名鼓山縣志由孤

峯東北渡溝五里爲銅鑛山案銅鑛當卽銅鼓山而府志

言東南四十里與雍正志一統志里數所差太遠今據縣

志改正

芝麻山在縣東十二里

雍正志府志作十五里

山有石鼓高丈圓半之

踰之彭彭有聲曲澗水至淙淙不絕

明許令典遊記

陽山在縣東南十五里

一統志作二十五里誤

首山之陽也

府志

一作峴

山

方輿紀要

中多谿谷古陽樂縣在焉舊有大窪寺今山陰有九

蓮庵

府新志

又有獅子嶺東有黑石坻

縣志

西有李廣射虎石

明志

統說文首陽山在遼西卽此大清一統志 晉阮籍望首陽詩步出上東門北望首陽岑

下有采薇土上有嘉樹林 唐胡曾首陽山詩孤竹夷齊恥戰爭望塵遮道請休兵首陽山倒爲平地應始無人說姓名

元陳賡首陽望雪詩天風吹瓊瑤白冒首陽頂欲和采薇歌千里凍雲冷 段成已首陽望雪詩薇歌一曲對青山萬

古千秋老翠巒望斷空巖人不見光搖銀海玉峯寒

謹案詩采芩疏首陽在河南蒲坂論語註馬融云在河東

蒲坂華山之北河曲之中莊子則云在岐山西北史記正

義曹大家註幽通賦夷齊餓死於首陽在隴西戴延之西

征記雒陽東北有首陽山元和郡縣志亦謂在河南偃師

縣諸說與許氏說文不合惟宋白北蕃地理志首陽山在

平州舊府志謂城東南之嶺山一名嶺山卽其地

高宗純皇帝御製詩序一統志皆以說文爲是今從之

洞山卽古孤竹山在縣西十五里

府志作十八里

孤竹城在其陰其

陽曰俞兒山縣志孤竹祠在山上水經注其嶮有洞大清一統志其下

灤水會之或曰即古卑耳溪清風臺在其上府新志山產鐵有

鐵冶在焉方輿紀要

筆架山在縣西南十五里一統志峯巒秀峭形似筆架府新志

其西為常福山又西為澗子山淘金河逕三山之陰大清一統志

澗子山在縣南十五里有三跳澗府新志

白蟒山在縣北十五里府志雍正志作十三里

架礮山在縣北十五里同上雍正志作十八里

雙子山在縣北十五里府志作西有孤竹長君墓明一統志一名

長君山方輿紀要

馬鞭山在雙子山西有孤竹少君墓一名少君山上同

棋盤山在縣北二十里雍正志

謹案府志棋盤山在縣北五十五里與雍正志里數異

羅家山在縣西八里垞西北

府新志 明邑人朱鑑北山神祠記羅山之陽眾脈皆南走其

一支起伏而東南約二里許又蜿蜒而西南僅一里許結爲陵狀如覆釜厥土青黎厥草暢茂乃其鍾靈毓秀於此而結焉者也自是而南地皆平衍漆水繞乎其東灤江經乎其西陽山環抱乎其前東阡南陌之參錯遠村近疇之聯絡雞犬相聞牛羊被野乃盧龍第一樂土也先是有祠瓦木脫朽古杏一株疎幹少花羅兵燹而禁風雨者不知其經幾變故鄉人旦夕往來其下雉者獵者負者戴者遠而凝望心皆悵然至而顧瞻罔不興懷余髫年時猶及見之今莫考其年代爲某姓名意者昔在先民爲春祈秋報而建焉則斷乎無疑矣逮余歷官中外殆二十年正德丁丑歲致政歸田有時杖履散步徘徊故墟但見瓦礫半見於沙磧石峯巋然於山巔祠之舊物惟此而已向之朽林老杏無復餘屑俯仰今昔未嘗不遲遲吾行也嘉靖癸未秋北鄉舍餘王宜輩謁余於桑梓下而言曰北山有祠歲久則頽勢使然也我輩欲重建復敢句一言以紀歲月余卽欣然而諾蓋以敬神而有合焉不可以不文辭是歲孟冬工落成祠宇一閒深一丈廣九尺有奇高如廣之數中題木主四五土五稷之神一風雲雷雨之神一山川之神一八蜡之神一祠之前抱廈四楹棟如之爲置鑪香火朔望展拜之地祠之內東西兩壁加以黝堊繪以丹青象春生夏長秋收冬藏除五穀草木山川風雲之外不畫

焉山靈亦知余文之不流於俗也噫人敬神而知禮神福民而血食感登梁興思之懷遵春祈秋報之典是豈荆淫祠邀非望之福者之比哉生於斯者覽余文而知其重修歲月鄉人姓名且因以知祠之創建不肇於今日而祠之修廢不能後目也

行虎山在縣西二十里

府志誤作縣南

相近有創錢山狝狗峪沙井

坡

縣志

謹案府新志狝狗峪在縣北五十五里燕河營北縣志恐

誤

周王山在縣南二十里

府志

灤水夾流其下

明一統志

又五里爲灰

山下有龍潭

大清一統志

相近有鴿子崖

縣志

石碓山在縣北二十里

雍正志

謹案府志石碓作石研在縣東北五十五里與雍正志方

位里數不符

阿羅卜山在縣北二十里

府志作東北二十五里

山下有牛尾嶺

雍正志

茶葉山在縣北二十里

府志

卧龍山在縣北二十里燕河營西山勢蟠結儼若卧龍

同上

四乞山在縣西南二十里亦名狼窩山聖水出焉

雍正志

上有

寺

府新志

赤峯山在縣西二十五里洞山之西山前爲鷓鴣崖

同上

一名

赤峯嶺

方輿紀要

瓦隴

府志作隴

山在縣南二十五里

雍正志

相近有獨子山

一統志

大清

謹案府志瓦礫山在城南三十五里獨子山在城西南三

十五里考縣境疆域南至灤州三十里西南至灤州二十

五里府志誤一統志言二山在縣西北按盧龍西北與遷

安接壤不界灤州一統志亦誤

大王山在縣北二十五里有虎洞深丈餘

府新志

石虎山在縣東北二十五里近山無蠍一名蠍虎

縣志

俗名福

君山上有崔府君廟

府新志

茄子山在縣東三十里

府志

謹案雍正志茄子山在府城東十九里府志謂茄卽茄字

之誤而里數與府志不符俟考

佛洞山在縣南三十里

府志作三十五里

一名窟窿山接昌黎灤州

界

縣志

有洞在絕壁下臨灤河

府新志

國朝張山游記郡南三十里有山曰壑龍東臨灤河

崖高丈百餘不能盡石壁插入水底勢陡絕側徑盤旋右峭左削步慄慄若將圯墜虵行里許忽見舍宇懸頭上蓋徑在山腰西依峭壁壁上爲寺遂疑空中樓閣忽墮勢將壓人然又南行數十步再折而北級而登始達寺所寺北得一洞東向峭壁中立口南北各一持火由北口入西行轉而南而東乃自南口出洞中兩壁石如禽如獸如鬼怪如龍蛇鱗鱗峒峒不可以目其西壁復現洞口二望之俱漆漆然黑相傳愈入愈深中有佳境心竊自計儻遇桃源雞犬便留此不返也

寺西山愈高有石壁峭立數丈而空其中遠觀天光望之若
破鏡土人謂之南天門寺南有石壁亦高數丈石磴鱗次高
下以橫壁上鐫白雲梯大字三爲石花所掩僅可辨認緣雲
梯登絕頂山勢東回如人曲肱狀有洞北面與南天門遙遙
相對傳爲郡人蔡珽讀書處藤蔓糾結無徑可入由洞東行
爲山東面之盡處下俯灤河如兕象之飲於水余是時足不
敢舉懼爲雲氣裹去爲天風吹墜不敢俯視波濤洶湧懼有
蛟龍來攫拏余興素豪至此心悸力盡嗒然若失雖有幽林
邃谷不能復窮矣循舊路返入寺少憩宗人肅亭孝廉讀書
於此告余曰每當水漲時澎湃盪繫如萬馬奔騰山谷俱響
窗戶爲之震動夜來漁火星光盪漾萬頃此又予所未見也
史一經詩灤江清且長坐龍枕其址上有太古穴壺瓏若
層累不知何年鑿斧工役神鬼居人談最勝游客願隨喜盤
陀峻如削側磴劣容趾嶽嶺欲生雲削劣入江底循蹊轉屈
曲始到山腰裏就壁築小庵喘息供徒倚懸崖兩石門天然
相對啟蛇行秉燭入黝黑難極視深或隘巷如仰或覆釜似
衣或冒慄慄膚或觸齒齒崖空多旁竇杳奔畏移跬景奇闊
岩腹氣蒸滴石髓出洞更升巔雲梯隱岌巖其中頗宏朗曾
棲讀書土茲境自昔開我聞蓋如此明遊多好事相約窮峴
巔放舟自偏涼一去十五里春江漾平淥風急浪華起遠岸
多桃花寒遲未吐蕊江行頗放曠眼界俗塵洗中流洽談諧
煎茶試江水時見眠沙鴛鴦飛度淺汜層巒如送迎緣岸去
迤邐峯回石磯出繫纜傍沙嘴石徑懸半空危垠暗已圯年
衰筋力疲未上氣先餒平生登陟興口噤不敢哆慙無濟勝

具賈勇謝諸子黃門亦倦登相與
話船尾更期載月遊看花及上已

大牛山在縣東北三十里

府志

北安山在縣東北三十五里下臨河上

同

麓有白雲寺松崖堡

雍正志

裂坡山在縣西三十五里

明一統志雍正志作西南二十五里

下有龍潭

府志歲

旱居民於此祈雨

明一統志

門樓山在縣西南三十五里

府新志

獨子山在縣西南三十五里有泉會聖安之水清涼山泉爲

橫河

同上

龍山在縣西四十里山勢蜿蜒如龍

方輿紀要

紅山在縣東北四十里東北接撫寧縣界

府志

鷹嘴山在縣北四十里

雍正志府志作六十里

梯子山在縣北四十五里

府新志

人首山在縣北四十五里

雍正志作六十里

府其北爲龍王巖正北

爲亭子嶺狼望山

大清統志

謹案府志人首山在城南十五里狼望山在城西南二十

里亭子嶺在城東北二十五里與雍正舊志方向里數不

符一統志人首山在三角山南十里三角山在縣北五十

里縣志人首山北爲龍王巖正北爲亭子嶺狼望山又北

十里爲三角山據此考之則人首山當在縣北四十里與

舊志不甚懸殊府志似誤

三角山在縣北五十里

雍正志誤作四十里

西有夢山後爲黑崖子

府志

作黑崖峪

有河西流入漆水

大清統志

桃林山在縣東北五十里桃林營東昔人於此種桃成林故

名府新志

自三角山迤東有杏兒山梯子山盤龍山神樹嶺兵

馬峪羣山參差盤折險峻至桃林口關

大清一統志

其西爲瞭望

山

方輿紀要

杏兒山在縣東北五十里

府新志

盤龍山在縣北五十里

烽火山在縣西南五十里

俱同上

一名西安山安河源出此

大

清一統志

峯山在縣北五十五里

雍正志府志作五十里

鹿尾山在縣西北五十五里峯高四圍懸絕

大清一統志

謹案縣境疆域西北至遷安縣界二十里不得越境有鹿

尾山考方輿紀要石門山西北爲鹿尾諸山漸近塞外是

鹿尾山在石門山西北非縣西北也一統志誤府志云縣

北五十八里

石門山在縣東北五十五里

府志

關北八里兩山如壁中有龍

潭其南爲羈惶嶺

方輿紀要

瞭望山在縣東北五十八里崔嵩峯翠律下有洞深二十丈廣

五六丈四壁五采如繪前有水

府新志

夢山在縣東北六十里一云墓山相傳高麗國王葬此

同上

甌山在桃林關西

大清一統志

縣東北六十里

縣志

巔有洞穴

方輿紀要

周七丈深四十丈下視青龍河如鏡

千秋嶺在縣東三里

府新志

相近有桃花峪

青沙嶺在縣東南四里

府新志

羈惶嶺在縣南十五里

千頭嶺在縣南十五里有岨臨青龍河

小嶺在縣南十五里嶺南屬昌黎縣

孤孤嶺在縣南二十里

俱同上 一統志作東南六里

嶺南爲范家峪

縣志

分水嶺在縣西北二十里與遷安縣接界

府志

灤水逕其西漆

水逕其東

方輿紀要

亭子嶺在縣東北二十五里

府新志

部落嶺在縣東二十七里

方輿紀要作十八里

唐初居黑水部於此

府志

明建文二年燕將谷祥追敗遼東兵於部落嶺卽此

方輿紀要

獅子嶺在縣東三十里

府新志

石花嶺在縣南三十里

叉都嶺在縣北三十里

大嶺在縣北三十五里

牛尾嶺在縣北四十五里

孤峯在縣東南五里

雪峯在縣南十五里有寺

一柱峯在縣南二十里孤石直秀雄立灤河之潞

俱同上
國朝永平

推官長洲尤侗九日同沈旭輪夫子羅芸皋太守王心海總
戎登 柱峯再和前韻二首去去方舟聯騎回登高誰繼大
夫才只今歌舞廬龍塞何處江山戲馬臺寒菊一叢隨客老
怨鴻萬字背秋來相逢半是東南侶莫惜風前數引杯 望
斷楞伽水一涯行春橋傍畫船斜笙歌子夜猶燈火士女輕
妝雜穀紗絕塞自來饒白髮故人相對只黃花且堪痛飲添
悲壯樓堞當
風疊鼓箭

龍王巖在縣北五里

府志

青龍巖在縣北二十五里高三里餘嵌巖如龍日射之其色

黃映水如金一名黃山

鴿子巖在縣北二十五里燕河營東又鴿子崖在縣南二十

五里

石巖在縣西南二十三里

松巖在縣北五十七里有堡

龍王陂在縣南五里南臺山右上有祠

菊花坡在縣北五里

紅坡在縣東十里

馬蘭坡在縣東三十里

沙石坡在縣北六十七里

鐵石坨在縣西北十五里飲馬河西

景封坨在縣東北三十五里

桃花峪在縣東北十里

青石峪在縣東南十里

正水峪在縣東南十二里

范家峪在縣南十五里又龜峪在縣西南

鷹窩峪在縣北二十里有古洞

兵馬峪在縣北三十五里

佛堂峪一名神堂峪在縣北六十里

梧桐峪在縣北六十里燕河營北

黃麋峪在縣東南與碣石山西麓相近

老虎洞在縣東南十五里洞深丈餘

龍王島在縣西石梯子下灤河中中舊有龍王祠今廢俱同上

謹案雍正志文峯山在府城南四里泥溝山在城西二十

五里

一統志同

石梯山在西南十一里柏木山在西南二十里

考府志文峯山卽文峯塔泥溝山卽泥溝莊均非山名石

梯柏木府縣志皆不載今亦從闕